

奉化縣志

卷首至  
卷二



戊子秋余奉

命分巡甬上適奉化令曹君來謁述所職事并孜孜以纂脩邑志爲請余謂志卽史之餘也所以勸懲風化輔成

國家之治非侈觀聽也子固兼史氏之三長其亟圖之余遙觀厥成焉曹君辟席而起曰奉志自康熙丙寅刊脩之後迄今八十餘年字版漫漶事缺不可攷文斷不可讀使謂續修之舉姑待後人將後人復待後人幾何不致文獻之無徵

奉化縣志

潘序

一

坐令考古者歛歔之不置也余非恃才惟自任教養斯民之責必求所以安輯斯民者爰於簿書之暇考陳編咨故老凡風俗之盛衰人民之臧否典禮章程之沿革擇之精語之詳信而不誣直而不阿此私心之所素期者矣余聞而嘉之嘉其能攷訂舊章以撫柔此民也嘉其能勇于任吏又能慎以將之也於戲昔之尹斯土者不一其邇葺無能者無論矣間有勤勉奉公號稱能吏簿書期會之外無聞焉前言往行聽其



李玉  
元子角



久湮跡其所爲平日之塗飾耳目苟且旦夕間  
者可勝道哉閱二載余調任瀾西曹君以其所  
脩邑乘徵序於余又披閱數過見其分門別類  
縷折條分水利有志養民之政興矣學校有志  
教民之典隆矣志風俗而著其盛衰志人民而  
別其臧否志典禮章程而居今稽古溯委尋源  
考古者手是編有以數一邑之典宰邑者手是  
編有以得爲政之要於以勸懲風化而輔成  
國家之治亦奚難哉是爲序

奉化縣志

潘序

二

乾隆庚寅仲冬分巡杭嘉湖海防道前任甯紹  
台道潘恂撰

奉化縣志序

乾隆辛卯秋余奉

簡命守甯郡下車以來卽思所以整齊紀綱脩舉百度夙夜兢兢而未遑也適奉化令曹君以新脩邑志告成請序余閱之而喜且嘉曹君之勤也郡邑之有志權輿於尙書禹貢周官職方而詳著於小行人之職其萬民之利害爲一書其禮俗政事教治刑禁之順逆爲一書每國辨異之以反命於王以周知天下之故此郡國志之所

奉化縣志

徐序

一

托始乎甯郡領縣六奉化居郡之西南延袤二百七十有五里與台之回浦接壤固兩郡往來衝要地也官斯土者因地制宜必先考其建置沿革山川風俗人物土產戶口賦役以及歷代宦績之所著而損益之後乃布政優優可大可久不有志書其曷從考証乎邑舊志脩於康熙年間迄今八十餘載簡編殘缺幾有無徵之懼東魯曹君以名進士宰是邦毅然以脩葺爲己任簿書餘閒日與皖桐陳生討論舊典參互考

訂錢唐汪學博又爲之正訛補缺以次成書總  
十有四卷若網在綱有條而不紊可不謂勤與  
余維邑之有志猶國之有史也一切典章制度  
農桑食貨之經罔不備載至於道德文章忠孝  
節義可泣可歌事關名教者詳加搜羅以爲後  
人觀法如是謂一邑之志卽一邑之史也可今  
閱其書例仿通考每一卷標一目下更以類相  
附舉其大不遺其小詳所重不忽所輕能令枕  
山襟海之區情形瞭然在目在昔之賢人君子

奉化縣志

徐序

二

近來之士俗人情無不覽而知也詎不快哉是  
書成將上以備

國家輜軒之採擇下以定奉邑奕世之章程曹君  
一手之勤嘉惠於地方者不少矣是爲序

乾隆壬辰中秋知甯波府事加三級古歛徐崑  
撰

奉化縣志序

士君子服古入官一旦驅車而來邑之土地人民政事未暇周知惟恃邑志一書足資考証故作志之事似緩而實急似易而實難余丁亥冬甫蒞任聚邑之父老而諮焉其地東南瀕海西北環山土疏泉洩以瀦蓄爲命歲人不給則販糴爲艱民藉畊織以生率敦樸尙義昔賢詩書禮義之澤猶有存者余聞而識之將以攷古今之沿革風俗之盛衰名賢碩宦之嘉言善政而

奉化縣志

曹序

一

遵循焉乃檢閱舊志簡斷編殘莫辨亥豕蓋自錫山施公刊修之後迄今八十餘載矣余心慮之志之作亦烏容稍緩哉夫作志亦甚難矣事無徵而不信而博取則難精言無文而不行而務飾則寡當雖一邑之務不外土地人民政事而土地之綏安人民之賢否政事之脩廢以及前言往行可以資考質而昭懲勸者皆擇之宜精語之宜詳惟其實而不惟其華取其嚴而不取其濫傳其信而不傳其疑此才學識三者實

彙資焉余不敏甯敢以短綆臨深取譏學海然  
竟畏難而視爲不急之務無論未載志乘者歲  
遠難稽卽已載邑乘者亦殘蠹莫考後有好古  
之士徵治之吏孰取而資焉庸於簿書之暇訪  
之耆老衷諸輿論按之乘載日與皖桐陳子商  
確討論華者實之濫者嚴之疑者信之積之年  
餘蒼萃成編猶恐採訪之未周考核之未精墨  
漏失實貽譏大雅復設局於錦溪書院偕學校  
師生參互考訂俾其盡美盡善而訂訛補缺則

奉化縣志

曹序

二

學博汪君之力多焉是役也博覽載籍廣搜見  
聞而摠折衷於嘉靖謝君之志志土地而思所  
以靖安之志人民而思所以教養之志政事而  
思所以整飭而敷布之余有志焉而未之逮而  
作志之舉則不容以不急而亦不敢畏以爲難  
者此也言多樸陋事實有徵此余區區自信之  
心未審有當於高明之君子否耶

乾隆三十七年歲次壬辰孟冬之吉知奉化縣  
事古中都曹膏撰

奉化縣志序

剡中山疎而川洩民庶而習剛撫字者欲畱心於政治而邑志一書尤不可一日廢也蓋攬勝披圖則形勢可考興利除弊則沿革可稽核戶口登田賦載風俗則豐耗有書記職官錄選舉列人物則澆漓足勸旁及物產藝文禩祥逸事例皆得備網羅用資考証是邑志固足爲勤政之助甯第矜掌故示博雅已耶自唐開元中改故鄞地爲奉化附山濱海民皆務墾闢而樂詩

奉化縣志

唐序

一

書里表黃公之遺嶺隱右軍之跡文靖以理學傳拾遺以忠節著洵乎人傑地靈卓卓千古矣顧施志自康熙丙寅迄今八十餘載編次殘缺漫漶多不可攷且我

朝漸仁摩義生息涵濡此八十年來版戶之殷饒俗尙之淳美當必駸駸焉其更有進矧古鄞爲浙東首善之區民物敦龐人文蔚起復古之治不難見於今也則是志又烏容任其殘漫不備哉前邑令曹君留心考古于簿書之暇嘗延都



人士與詢政俗考興廢訪遺蹟別土宜慨然以  
補葺舊志爲任欲重鋟板以傳信設局錦溪與  
皖桐陳君學博汪君錄遺正舛勒成全編較舊  
志爲加詳並嚴去取之例庶幾無繁蕪寡要華  
瞻失實之譏余自壬辰冬攝篆茲土與曹君爲  
新舊交獲覩是書以其未付剞劂尙待余之竟  
其事也余旣樂觀其成因復取而讐校之以付  
梓并識其緣起于簡端是爲序

乾隆壬辰仲冬署奉化縣事含山唐宇霖撰

奉化縣志序

癸巳初夏余蒞任奉邑視事數日見其民習勤而崇儉俗猶近古唯恃氣好鬪致以膚受訴于庭者往往而有余謂是稟氣使然歟何風之競也則汲汲然思得所攷證於以審處而馴擾之時奉志方授剗劂工未竣且披圖而覽其大略焉按邑延袤二百七十餘里地勢瀕海附山燥濕相半土則疎而川易洩生是間者信乎其稟氣之殊也周禮云山林之民毛而方川澤之民

奉化縣志

序

一

黑而津又曰以陽禮教讓則民不爭以禮樂教和則民不乖然則民氣不能不囿于地而民俗又不能不侈于化亦視司牧者之善爲治耳我國家重熙累洽仁漸義摩涵濡於斯民者百餘年薄海內外咸樂太平而相與雍穆一二愚民挾私忿以角小勇皆爲

盛世所不容是用小懲而大誡也亦固其所然唯是束縛馳驟之則無由生其和順轉以激成憤怨如愚民之觀感何如

朝廷之委任何夫剛以柔克猛與寬濟觀奉邑之風  
土而所以化民成俗者有他道耶抑余聞之衣  
食者禮義之原孝弟者仁讓之本今起視一邑  
中其男女無不可以耕桑則養有攸寄其父兄  
無不當以愛敬則教爲易施又其秀而良者旣  
無難澤以詩書而作其文章節義之氣卽其爲  
工與商者皆可使勤手足而免於游蕩非爲之  
事給財用而杜其欺陵攘奪之門是必其樂業  
也然後能守分也志相安而氣自下雖誘之爭

奉化縣志

序

二

而有弗顧也余唯圖治于其本原者而已茲且  
邑志垂成願得從簿書之暇進而稽土地覈風  
俗厯攷政事之有可觀者斟酌而損益焉蓋斯  
舉也主修于前任曹公付梓于攝篆唐公其纂  
訂始末余可不贅唯余宰茲土適董其成則凡  
度土宜而制爲養審風尚而設之教及一切廢  
興因革緩急輕重之故所得監於志以立政用  
期便乎民而後卽安者皆余事也亦余志也遂  
書以識諸簡

乾隆三十八年癸巳季夏月知奉化縣事盱江  
楊鏞撰

奉化縣志

序

三

凡例

一都邑形勝疆里墉壑以及田賦丁徭之屬有關國計民生古今損益者必備卷載焉卽逸事叢談藝文碑記凡見于舊志府志者亦均不敢遺

一鄉都道里自均圖後較昔懸殊今于本鄉下志其村坊以正輿版

一風俗之淳薄覘政治之污隆今特紀載民風并詳叙吉凶之禮歲時之儀而移風易俗之意寓焉

奉化縣志

卷首

凡例

一

一山川分野奠麗無更水陸橋梁圖經不改至修葺之功巨細必載重義舉也

一田以養民最重水利奉邑東南近海水勢易洩故患潦少而患旱多有河有碶有堰有陂塘以資灌溉農民賴之今詳加考訂另列一編以重民事

一建置今昔不同舊制多圯遺址尙存按圖登載以俟修舉

一選舉於科目貢士辟薦外更及應例掾階武仕

所以廣人材也故有祖父皆邑產而以他籍登第者錄之其應例掾階未經出仕者不載入

一壇廟秩祀所關

聖朝重農貴穀

詔各省州縣于社稷壇外並設先農壇印官秉耒耕藉以勸農事急民務也謹先書壇墀其餘祠廟以次附焉

一國家建學育才督以憲臣聯以師儒典莫重焉

今增入

奉化縣志

卷首

凡例

二

欽頒匾額書籍釐定祀典

勅建忠義孝弟節婦祠以見

昭代制作邁越前古使瞻仰者感發興起並列教職於內示有專司云

一版籍志中如戶口額徵起運存留外賦悉以乾隆三十二年賦役全書爲斷至元明舊額亦附載以備參考

一方外附于人物志中壇壝寺觀載于祠祀志中各從其類也

一凡人物紀載惟取事實直書不徒敷演文藻前志所載姓名既不可芟而近時名彥或潛德而義高或幽貞而摯烈卽付學校師生叅議凡一行足錄悉已登記特語涉浮夸及擴引贈貽詩志行狀者稍裁之

一邑大夫雖有政績在民必去任方載士君子雖有顯業在世必歿後乃錄惟節婦經奉旌表者固應光之汗簡矣而窮鄉僻壤遺佚孔多茲據所報節烈取具隣族甘結榜示確查眾論僉同

奉化縣志

卷首

凡例

三

者亦許登載顯幽德也

一流寓方技仙釋仍沿舊志不妄增載

一舊志附灾祥於僧道志中今另類歸雜志

一昔賢遊歷坟宅舊志編入山川志中今與雜志另立古蹟一編

一各種菽文既附于各類其或藝文可傳前無可附者仍另列一編從舊志也第搜羅宜廣抉擇宜精其無關吏治民生山川風土及現在名人題咏者雖麗製鴻篇概不採錄

一 襍祥地所時有舊志所載既不可刪令採訪無徵者不錄

一 自康熙丙寅以後一切事蹟文獻無徵茲僅據所見聞細核采入而郭公夏五尙存其疑石鼓山碑莫詳其制搜羅未廣考訂未精補闕正訛以勒不朽俟後之君子



奉化縣志

圖

古者輶軒之使入境必繪其山川形勝登之內府邑乘弁圖于篇首職是故也文以記其事圖以傳其形有語言所不及詳者披圖而瞭如指掌即昔時建置今或遷廢亦列而存之以俟攷古者

奉化縣志


卷首

圖

一

奉邑全圖

東至鄞縣界七十里



界四十五里

蕭王廟

佛塔亭

高孝鄉

縣學  
奉化縣

高皇山  
城隍廟

日嶺

大雷山

鳳山

田山

尚田

松林鄉

阮家

縣界六十里

千丈岩

剡源鄉

丹山

隱潭

西至新昌縣嵊縣界俱百里

鎮亭


奉化縣志


卷首圖

二

縣治圖

東






奉化縣志

卷首圖

三



治

衙

堂

堂

門






門

縣獄


奉化縣志

卷首圖

四



學宮圖




奉化縣志

錦溪書院圖

卷首圖


五




奉化縣志

卷首圖

六



山川壇




奉化縣志


卷首圖

七

塔山巡司圖  
地今



封山圖




奉化縣志

卷首圖

八

社稷壇






奉化縣志

卷首圖


雪竇山圖



奉化縣志

卷首圖

十



纂修姓氏

主修 知奉化縣事 汶上 曹膏

署奉化縣事 含山 唐宇霖

編纂 安慶府學廩生 桐城 陳琦

校正 儒學教諭 錢塘 汪文濠

同訂 儒學訓導 武康 姚文星

監造 巡檢 上海 孫維德

典史 長洲 顧錫圭

分校 邑士 石柱人 陳紹敬

奉化縣志 卷首 姓氏

澄清人 周滋培

津東人 胡增

山隍橋人 陳德文

東街人 董日皓

澄清人 周培忠

停山人 鄔世祐

新橋人 張賢肅

憲司街人 嚴殿錄

奉化縣志

目錄

卷首 序 凡例 圖 姓氏

卷一

地輿志 星野 沿革 疆域 鄉都 風俗

卷二

山川志 山類 水類 龍湫

卷三

水利志 河 湖 堰 塘 堤 磳 閘

奉化縣志

卷首 目錄

一

卷四

建置志 城垣 縣治 街市 巡堠 公署 橋梁

卷五

學校志 儒學 社學 書院 鄉飲禮附

卷六

版籍志 戶口 田賦 存留 起運 鹽政 物產

卷七

祠祀志 壇 廟 寺 觀

卷八

職官志 令 丞 司 尉

卷九

名宦志 唐 宋 元 明 國朝

卷十

選舉志 鄉貢 進士 各貢 薦舉 府史

卷十一

人物志上 理學 忠義 孝友 宦業 文學 武略

人物志下 義行 隱逸 流寓 藩戚 封贈 優老 藝術

卷十二

奉化縣志  卷首 目錄

一一

藝文志上

卷十三

藝文志下 附著述

卷十四

古蹟志 附宅里 坊表 墳墓

雜志 禮祥 紀遺 逸事

奉化縣志目錄終

